

卷八十九之九十一

禮部 祠祭司 廟祀四

奉先殿 崇先殿附

奉慈殿 弘孝殿 神霄殿附

景神殿 玉芝宮附

慶源殿 陵墳等祀

陵寢 后妃太子諸王公主墳附

國初追封諸王墳 外戚王者墳

君幸祀一

歷代帝王

先聖先師

先師孔子 釋菜 啓聖祠附

大明會典 重修

大明會典卷之八十九

禮部四十七

廟祀四

奉先殿

崇先殿附

洪武三年冬以

太廟時享未足以展孝思始於

乾清宮別建

奉先殿朝夕焚香朔望瞻拜時節獻新生忌致祭用

常饌行家人禮永樂定都建宮殿如南京嘉靖

中每遇

聖節及中元冬至歲暮皆有祭告先期太常寺題知



光祿寺辦祭品。至期。內殿行禮。三年。即殿西建

觀德殿。奉安。

獻皇帝神主。五年。

世廟成。乃遷。

觀德殿于

奉先殿東。改題曰

崇先殿。薦享告祭。俱如

奉先殿之儀。十五年。罷中元祭。十七年。奉祔

獻皇帝于

奉先殿。遂罷

崇先殿祭

弘治二年奉安

憲宗純皇帝神位于奉先殿儀

是日

上奉

神主奉安于

太廟訖。

上仍祭服。陞輅詣武英殿前。降輅陞

几筵。殿奉迎。

神位內侍舉

神位亭前行由中門出

上陞輅後隨由

思善門入

奉先殿門外

上降輅司禮監官導

上詣

神位亭前奏跪

上跪司禮監官跪於

上左奏請

神位奉安奉先殿奏訖奏俯伏興

上俯伏興導引官前導內侍於亭內

神位前行。

上後從由中門入至

奉先殿奉安訖。

上叩頭興就位行祭告禮用酒果用樂用祝文

忌辰

仁祖淳皇帝 四月十六日

淳 皇 后 四月二十二日

太祖高皇帝 五月初十日

孝慈高皇后 八月初十日



成祖文皇帝七月十八日

仁孝文皇后七月初四日

仁宗昭皇帝五月十二日

誠孝昭皇后十月十八日

宣宗章皇帝正月初三日

孝恭章皇后九月初四日

英宗睿皇帝正月十七日

孝莊睿皇后六月二十六日

憲宗純皇帝八月二十二日

孝貞純皇后二月初十日

茶

筍一十五斤

鯉魚二十五斤

四月

櫻桃十斤

杏子二十斤

青梅二十斤

王瓜五十箇

雉雞十五隻

豬二口

五月

桃子十五斤

李子二十斤

夏至李子二十斤

紅豆一斗

沙糖一斤八兩

來禽十五斤

茄子一百五十箇 大麥仁三斗  
小麥麩三十斤 嫩雞三十五隻  
六月

蓮蓬二百五十箇 甜瓜三十箇  
西瓜三十箇 冬瓜三十箇

七月

棗子二十斤 葡萄二十斤  
梨二十斤 鮮菱十五斤  
芡實十斤 雪梨二十斤

八月

藕四十枝 芋苗二十斤  
芡白二十斤 嫩薑二十五斤  
粳米三斗 粟米三斗  
稷米三斗 鰕魚十五斤

九月

橙子二十斤 栗子二十斤  
小紅豆三斗 沙糖一斤八兩  
鰕魚十五斤

十月

棋子二十五斤 橘子二十五斤



山藥二十斤

兔十五隻

蜜一斤八兩

十一月

苳蔗一百三十根

鹿一隻

鴈十五隻

蕎麥麩三十斤

紅豆一斗

沙糠一斤八兩

十二月

菠菜十斤

芥菜五斤

鯽魚十五斤

白魚十五斤

凡

奉先殿供薦品物與南京

奉先殿同其子鵝鮮筍梅子雪梨茭白橙子柑子橘  
子其蔗俱南京太常寺預進太常寺收受奏送  
光祿寺供薦歲以為常

奉慈殿

神霄殿

今縣

成化二十三年

孝宗即位追上

母妃紀氏尊諡曰孝穆慈慧恭恪莊僖崇天承聖皇

太后祔葬

茂陵別建

奉慈殿於大內奉安

神主一歲五享四序薦新忌祭俱如

奉先殿之儀弘治十七年上

聖慈仁壽太皇太后周氏尊謚曰孝肅貞順康懿光

烈輔天成聖太皇太后十八年奉安于

奉慈殿居中。

孝穆皇太后神主遷居于左嘉靖二年追上

壽安皇太后邵氏尊謚曰孝惠康肅溫仁懿順協天

祐聖皇太后本年奉安于

奉慈殿居右七年復追稱

孝慈皇太后曰太皇太后八年祔

悼靈皇后陳氏神主于

孝惠太皇太后之側歲時薦享忌祭並同十五年

上諭禮官廟中一帝一后祔葬乃有二三后今

奉慈三后主既不得祔

廟其遷祔

陵殿享祭又以皇太后太皇太后本子孫尊稱稱

睿皇后

純皇太后又嫌於嫡改主題皇太后勿書帝謚乃改謚

孝肅太皇太后為孝肅貞順康懿光烈輔天成聖皇



后奉遷神主于

裕陵

孝穆皇太后為孝穆慈慧恭恪莊儷崇天承聖皇后。孝惠太皇太后為孝惠康肅溫仁懿順協天祐聖皇后。俱奉遷

茂陵又改謚

悼靈皇后為孝潔皇后奉遷

神主于

太光殿之西室罷

祭。二十九年升祔

孝烈皇后于

太廟右第四室。隆慶元年。

孝潔皇后祔。乃遷

孝烈神主于

奉先殿之西夾室。改題曰

孝烈端順敏惠恭誠祗天衛聖皇后。奉安

景雲殿。更名曰弘孝。又于

神霄殿奉

孝恪皇太后神主。而祔

孝懿皇后主于其側。每歲五享。四序薦新。忌祭日供

俱如

奉先殿儀六年

孝懿莊皇后升祔萬曆三年乃奉

孝烈皇后及

孝恪皇太后祔享

奉先殿其

神主並遷于

永陵改題

孝恪神主曰孝恪淵純慈懿恭順贊天開聖皇后。

二后神位即以遷詣

陵殿之日安于

奉先殿而弘孝神霄之祭俱罷

隆慶元年奉安

孝恪皇太后神主及祔

孝懿皇后神主于神霄殿儀

先是遣官一員以祔享告

孝懿皇后陵園祭畢遣官就迎護

神主回京至德勝門幄次候奉迎

孝恪皇太后神主至別入幄次百官先於

孝恪皇太后幄前行禮畢隨于



孝懿皇后幄前行四拜禮。

禮主以次進行。入大明門至午門外。

上奉迎。

孝恪皇太后神主于午門內步行前導。

孝懿皇后神主與以次後隨至。

奉先殿門外。

上捧。

孝恪皇太后神主出輿內侍官即跪奏請。

孝懿皇后神主詣奉先殿捧。

神主隨。

上入至丹陛上。

孝恪皇太后神主於褥位內侍官隨置。

孝懿皇后神主於褥位在。

孝恪皇太后之西南內侍官退候。

上行禮畢內侍官仍捧。

孝懿皇后神主隨出詣。

世宗肅皇帝几筵殿奉告行禮並同遂隨。

孝恪皇太后神主同至備。

神霄殿門外。

上捧。

恪皇太后神主由殿中門入。奉安于神座內侍官捧

孝懿皇后神主亦奉安于座併行安神禮

萬曆三年

弘孝神霄二殿奉遷神王儀

先四日早內監官請捧

孝恪皇太后神主洗滌重加粉飾中書官書寫

命大臣一員改題題畢仍暫奉安于神座先期內侍

官設

神主輿用寶亭衣冠亭香亭各于

弘孝神霄殿門外錦衣衛備繖扇儀衛是日早免朝

行請奉遷禮

上常服詣

弘孝殿門外太常寺官導

上由殿左門入內贊奏就位奏上香奏三獻禮替讀

祝訖奏四拜奏禮畢女官導

仁聖皇太后

慈聖皇太后以下行禮畢復詣

神霄殿行禮如前司禮監官分請捧

孝烈皇后神主



孝恪皇后神主各置于輿捧冊寶衣冠各置于亭香亭

神主輿前行冊寶衣冠亭各以次後隨

上陞轎隨行由後左門中左門皇極門至午門內

上降轎橋北立目送

二后神主輿行門闔

上陞轎還宮

景神殿

玉皇宮殿

嘉靖五年建

世廟

太廟之東北以祀

皇考。至十五年改建廟于

太廟都宮之東南題曰

獻皇帝廟遂改

世廟正殿曰

景神殿寢殿曰

永孝殿奉藏

祖宗帝后御容于其中。十七年改題

獻皇帝廟曰

睿宗廟尋以

睿宗升祔罷特廟之祭。十八年。令遇

高廟帝后忌辰祭于

景神殿。

例聖帝后忌辰祭于

永孝殿。二十四年。令遇忌辰照舊於

奉先殿致祭。四十四年。神宮監奏

睿宗廟柱產芝乃更名玉芝宮。

命每日供膳及四時歲暮大小節辰祭告牲帛諸品

皆知

太廟惟不用祝文樂歌及遣官陪祀。止令尉馬都尉

乃皇親一人上香行叩頭禮。隆慶元年議罷。

日供膳仍舊

嘉靖十八年

顯陵襄事行慰神禮于永孝殿儀

前期大常寺恭辦牲醴香燭制帛。奏請

簡命大臣陪拜。各具吉服。先期一日。司禮監同太常

寺官恭設

皇考

皇妣神座于永孝殿。是日。

上具翼善冠黃袍率



后妃至

景神殿門外降輿。導引官導

上由左門入至

永孝殿典儀唱執事官各司其事。唱迎神。

上至香案前上香復位四拜。傳贊陪祀官同典儀唱贊畢行

初獻禮。

上詣

皇考

皇妣位前各獻帛獻爵。訖復位讀祝俯伏興于序贊

同行亞獻禮。

中官獻爵內執事官奏禮行終獻禮

上獻爵內贊奏四拜。傳贊典儀唱捧祝捧帛詣燎位

禮畢。太常寺官恭還

皇考

皇妣御座于景神殿奉安。

駕還宮

**慶源殿**

嘉靖元年

命安陸州官以四孟及朔望致祭于家廟四孟籩豆

牲牢俱如

太廟之儀朔望常祭如

奉先殿之儀二年令家廟樂器八佾三年令工部造

祭器樂器祭服送家廟祀祀七年令兵仗等局

造送樂器八年令錦衣衛選撥校尉三十名送

用十八年恭奉

獻皇后合葬

顯陵改家廟曰

隆慶殿四孟歲暮

欽定五享

鎮守湖廣勲臣行禮勲臣有故則以皇親都督代

隆慶元年改稱曰

慶源殿禮儀仍舊

欽定五享儀

朔期致齋三日正祭日各具祭服導引遣官由

右門入遣官同內臣請

帝后主奉安于神座退典儀唱執事官各司其事贊

引贊就位典儀唱迎神贊引導遣官至香案前

三上香訖復位贊四拜典儀唱奠帛行初獻禮

訖贊詣讀祝位讀祝訖行亞獻終獻禮典儀唱

徹饌掌祭官跪奏禮畢訖



還宮贊引贊四拜。典儀唱讀祝官捧祝進帛宮捧帛。合詣燎位禮畢。遣官同內臣捧帝后主奉安訖退。

凡

太廟祭器。洪武元年令銀造者以金塗之。酒壺盃盞每事皆八盤。椀二百四十。及揮施梳篋篋筭筭筭。幔浴室皆具。已又令塗金者俱易以金。以下廟祀總例凡時物。洪武二年令太常先薦。

宗廟然後進。

○二年定每月朔望薦新品物。皆太常卿供事。

在月薦之外者太常卿奉

旨與內使監官各服常服捧獻不行禮。

凡祭幣。洪武三年議准。

太廟每室用幣二

凡

太廟和羹嘉靖三年奏准。依福胙脯醢豚脂例。另用一牛不許牲上取辦。其牲體分為六塊。一首一背四肢。不許零碎。

凡配享。洪武二年孟春享

太廟以功臣七人配。設青布幃六間于

太廟庭中內列功臣位。遣官分獻讀祝。○三年定。  
親王從享。皆設位於東廡西向。功臣配享。皆設位  
於西廡東向。○四年罷。

廟庭幃設之次。改設黃布幃殿於廟內。併具兩廡中  
居。

祖考神位。廡列。

親王及功臣每奠獻。

祖考則遣大臣各分獻。不讀祝。是秋。又。

命功臣仍于廡間配享。不設布殿。○九年新。

八廟成。奉安。

代神主。以。

親王并王。祀二十一位。侑于殿內東壁。功臣十二。

位。配于西壁。不分獻。自是四時之祭。皆行合享。

之禮。其。

壽春等主。舊有皇高伯祖等稱。至萬曆七年罷。止。

稱本爵。

凡時享。值。

國喪。洪武二十五年。議定樂備而不作。

凡祝文。洪武二年定。止稱孝子皇帝。不稱臣。遣。

太子行禮。稱命長子某。不稱皇太子。○嘉靖十七。



年令大袷祝文。

九廟帝后謚號俱全書時袷上書

某祖某宗某皇帝。備行宣讀

凡忌辰永樂元年遇

高皇帝忌。

上率諸王祭

奉先殿仍率百官祭

孝陵○萬曆四年題准凡

郊

廟奏祭祀日遇有忌辰則移前一日如致齋日內遇

忌辰。

上具常服百官具青綠錦繡其正祭日遇忌者如祭

在日間除臨時照常具祭服行禮本日祭前祭

後與致齋遇忌同如夜分祭畢是日

上仍淺淡服色百官青衣角帶辦事

大明會典卷之八十九

大明會典卷之九十

禮部四十八

陵墳寺祀

後漢 后妃太子諸王公

熙祖陵在今鳳陽府泗州蟠城之北。洪武初號曰

祖陵。今辨其山即

祖陵望祭

德祖

懿祖二陵。設泗州祠。祭署置奉祀一員。陵戶二百九

十三戶。供灑掃。每歲冬至正旦。以三大牢。清明

中元孟冬。及每月朔望。以三少牢。本署官行禮



仁祖陵在中都鳳陽府太平鄉。洪武初號曰

英陵。尋改

皇陵。今號其山。曰新聖。設皇陵衛并祠祭署奉祀一員祀丞

三員。置陵戶三千三百四十二戶。供直宿灑掃。

內選禮生二十四名供祭祀執事。每歲冬至正

旦以太牢。清明中元孟冬以少牢。俱署官行禮。

朔望以少牢。中都留守司官行禮。弘治元年

勅內官一員監護。凡官員以公事經過者俱謁

陵○

太祖高皇帝陵曰孝陵。在南京鐘山之陽。今號神烈

祖考妣考妣以次而東。皆如高祖之位。世各為

位。不相連屬。別設旁親無後及卑幼先亡者附

食位。于東西壁下。凡伯叔祖考妣伯叔考妣兄

弟嫂妻弟婦子姪子姪婦之屬。皆右男子左婦

女。東西相向。以壯為上。凡屋不問何向。但以前為南。後為北。左為東。右

為西。設香案於堂中。置香鑪香合於其上。束茅聚

沙於香案前。及逐位前地上。設酒案於東階上。

別置卓子於東。設酒注一。酌酒盞一。鹽碟醋瓶

於其上。火鑪湯瓶香匙火著於西階上。別置卓

子於西。設祝版於其上。設盥盆帨巾各二。於阼



階下之東。又設陳饌大牀於東。

省饌

前一日。主祭率衆丈夫。省牲泄殺。主婦率衆婦。女滌濯祭器。潔金帛。具祭饌。每位果六品。菜蔬及脯醢各三品。肉魚饅頭糕各一盤。羹飯各一椀。肝各一串。肉各一串。務令精潔。未祭之前。勿令人先食。及為猫犬蟲鼠所汚。

行事

祭之日。質明。主祭以下。各具服。主祭者。見居官。則唐帽束帶。婦人。曾受封者。則花釵翟衣。士人。

孝恪皇后亦自金山遷祔焉。

穆宗莊皇帝陵曰昭陵。

莊皇后李氏合葬。

諸陵各設神宮監。并衛及祠祭署。凡清明中元冬至。太牢致祭。遣官行禮。文武衙門堂上官各一員。屬官各一員。分詣陪祭。忌辰及

聖旦正旦孟冬。亦遣官行禮。止用香燭酒果無帛。各衙門官不陪祭。

諸王之國。請

諸陵謁辭。嘉靖十五年三月



上躬行春祭禮七月改

命春以清明秋以霜降遣官行禮各衙門官陪祭其

中元冬至等節遣官行禮俱不陪祭九月

上躬行秋祭禮自

奉慈殿遷

孝肅皇后神主于

裕陵

孝穆皇后

孝惠皇后神主于

茂陵躬行奉慰禮十七年二月

上躬行春祭禮改

陵殿曰

掖恩殿門曰

掖恩門四月建

成祖文皇帝聖蹟亭於平臺山率從官行祭禮○

睿宗獻皇帝陵曰顯陵在湖廣承天府之松林山今號

純德山

獻皇后蔣氏合葬建

享殿設神宮監顯陵衛祠祭署置奉祀一員以戚屬

為之給署印設禮生二十四名供祭祀執事陵



戶六十戶供灑掃。校尉二十名供巡視。嘉靖十八年陞成屬為都督僉事。給欽差純德山掌祀關防職事。守護始於太常寺。選補奉祀及增祀丞一員如

七陵之制。二十七年照

長陵制。設左司樂一員。右司樂三員。俳長四名。色長

十四名。教師十六名。供祀鑄給顯陵供祀教坊

司印信。每歲清明霜降

二聖忌辰。遣鎮守湖廣勲臣行禮。勲臣有故。以守護

奉祀官代行。奉祀官有故。則分守官代

聖旦正旦中元孟冬冬至遣守備奉祀官行禮○

恭讓章皇后陵寢在金山。祭遣內官行禮。嘉靖二十

五年令於

未央宮莊田六百五頃九十七畝。內量撥一半供

奉香火○

皇帝陵寢在金山。

皇后合葬。祭遣儀賓行禮。今遣駙馬及皇親

禮廟。廢后吳氏葬金山。祭以素羞。遣內官行禮○

禮廟。繼后張氏葬金山。祭以牲醴。遣內官行禮○

孝陵四十妃嬪。惟二妃葬陵之東西。餘俱從葬。



長陵十六妃俱從葬。

獻陵七妃三葬金山。餘俱從葬。

景陵八妃一葬金山。餘俱從葬。

裕陵以後妃無從葬者。

裕陵十八妃一葬綿山。餘俱金山。

茂陵十四妃一葬陵之西南。餘俱金山。

康陵二妃葬金山。

顯陵一妃葬金山。

永陵三十妃二十六嬪。惟五妃葬

天壽山之襖兒谷。餘俱金山。

昭陵諸妃葬金山。先是妃皆自為墳。

憲廟十三妃始同為一墓。嘉靖三十年。以古世婦御

妻皆九。宜九妃為一墓。同一享殿。內作七室。兩

廂等各備。於是金山預造五墓。墓各九數。以次

葬焉。先是從葬諸妃。歲時俱享于殿內。其別葬

者。俱遣內官祭。以牲醴。嘉靖十七年始

命併入各

陵。從祭

祿恩殿之兩傍。以紅紙牌書曰。

大明某宗皇帝第幾妃之位。祭畢焚之。隆慶六年改

造木位刻列名號置各陵永遠從祀其  
世廟諸妃並遷祔  
永陵各置木位配享○

阿保諸夫人俱葬金山。惟清明霜降遣內官以牲  
醴祭之。其餘一用素羞○

懿文太子陵在

孝陵之左祭如

孝陵四孟歲暮忌辰加牲焉。

孝陵祀祭署無主之。

懷獻世子

蔚悼王

景恭王

穎傷王

戚懷王

薊哀王

均思王

靖悼王惟

蘄滕二王葬綿山。

雍申二王葬蘭山。餘俱金山。祭以牲醴。遣內官行

禮○



皇第八子

永清公主

長泰公主

仙遊公主

太康公主

長安公主

思柔公主

蓬萊公主

太和公主

俱葬金山。祭以素羞。遣內官行禮。

官司屬官各一員。太常寺鴻臚寺堂屬官光祿寺太僕寺卿翰林院學士。并日講官國子監祭酒順天府府尹六科官六員十三道官十三員俱從。凡在途供事以便衣。朝祭以吉服。前期一日

上率

后妃告于

廟至早免朝。

駕發由長安左門

后妃輦轎由東安門出。扈從官前行。居守官同文武

百官俱吉服趨德勝門外候送

駕過退

駕至行宮在今華城進膳畢陞座從官朝見行叩頭

禮如常儀次日早從官朝參奏事畢鴻臚寺官

引昌平州官吏師生及公差有事官員見行五

拜三叩頭禮朝罷從官先行至

天壽山行宮候

駕駕發

后妃後從至

山紅門

上降輦田左門入

駕至行宮今名感思殿進膳畢

上出陞座從官行叩頭禮畢退次日早從官朝參奏

事如常儀

一致祭是日免朝質明

上具青袍恭詣

長陵致祭如常儀隆慶二年仍詣永陵昭陵各行禮

遣官六員青服各詣

陵行禮從官俱青布服恭詣

長陵陪祀祭畢先趨赴行宮候



駕每日早朝。祭奏事如常儀。

一回鑾。是日早免朝。從官先行至沙河行宮候駕。駕至。從官行叩頭禮如常儀。次日早。從官朝。祭奏事。畢。鴻臚寺官引昌平州官吏師生辭行禮。如常儀。朝罷。從官先還。

駕由德勝門入。文武百官及軍民耆老人等。俱於門外候迎。居守文武大臣伏謁。

駕前致詞。行叩頭禮。教坊司大樂鼓吹振作。駕入告。

廟謁

排班。文武百官入班。鴻臚寺官贊四拜。樂作。興樂止。百官出至。

承天門外伺候。鴻臚寺官舉

詔案於殿中。贊頒

詔翰林院官捧

詔書授禮部官。禮部官捧

詔書置於雲盤案上。校尉擎雲蓋。俱從殿左門出。

隆慶六年儀注。詔從殿左門出。至皇極門。鴻臚寺即奏禮畢。駕興。

午門外。禮部官捧

詔置綵輿內。樂作。公侯伯三品以上官前導。迎至。

承天門上樂止。鳴贊唱排班。引禮引文武百官就拜位。樂作。贊四拜。樂止。唱宣讀。展詔官陞案。稱有。

制。贊衆官皆跪。禮部官捧

詔書。授宣讀官。宣讀訖。禮部官捧

詔書置雲盤中。贊俯伏。興樂作。四拜。樂止。搢笏。鞠躬。三舞蹈。唱山呼。萬歲者三。唱出笏。俯伏。興樂作。四拜。興平身。樂止。序班報鴻臚寺官。跪奏禮畢。

駕興。百官以次出。禮部官捧

享

凡祝文皆備書

謚號。其文皆同。但隨

陵異稱

顯陵祝文

清明霜降曰維 年 月 日

孝子皇帝御名。謹遣某官。敢昭告于

皇考睿宗知天守道洪德淵仁寬穆純聖恭儉敬文獻皇帝。

皇妣慈孝貞順仁敬誠一安天誕聖獻皇后尊靈曰。



時維仲春。雨露既濡。季秋。霜露既降。瞻望

園陵不勝怵惕懷愴謹用祭告伏惟尚

享

中元冬至曰。氣序流邁時維仲冬。追念

深恩益增哀感謹以牲醴庶品用申祭告尚

享

已辰曰。惟我

皇考

皇妣諱日之辰瞻望

德恩不勝哀感謹用祭奠伏惟尚

享今稱孝曾孫

恭讓董皇后祝文

孝玄孫嗣皇帝御名謹遣某昭告于

恭讓誠順康穆靜慈董皇后尊靈曰。日月不居。

仙遊益遠。茲遇某節不勝追慕謹用祭告伏惟

享

景皇帝后祝文

姪玄孫嗣皇帝御名謹遣某官某昭告于

恭仁康定景皇帝。

貞惠安和景皇后曰。節序流邁時維某節。追念親親

良增傷感。茲以牲醴用修時祭。伏惟尚

享

嘉靖十五年奉

皇太后謁

陵儀

先期太常寺具酒果脯醢。翰林院撰告辭。

上至

長陵行謁告禮畢。奉

皇太后率

皇妃入。女官奏就位。行四拜禮。奏上香。女官捧香

皇太后三上香。訖。奏復位跪。

皇太后跪。

皇妃皆跪。

上跪于

皇太后之左。讀辭。官跪于

上後。讀訖。奏興。四拜禮畢。次詣

獻陵。

上先謁告。仍奉

皇太后謁。如前儀。次謁

景陵。同明日。徧謁



裕陵等四陵亦如之。

上還往西山拜

恭讓章皇后及

景皇帝后各陵寢行三獻禮。又遣官前詣

孝陵

顯陵行祭告禮

嘉靖十八年

駕幸承天府謁

陵儀

前期太常寺陳設牲犢酒醴香燭制幣。

上具常服詣

陵由陵左門入殿左門內贊奏就位。奏上香。奏四拜

奏奠帛行初獻禮。贊讀祝。奏跪。讀祝官讀畢。奏

俯伏興平身。奏行亞獻禮。終獻禮如儀。奏四拜

焚祝帛禮畢。從駕官及撫按等官俱吉服陪拜

祝文

維年 月 日

孝子皇帝御名敢昭告于

皇考睿宗知天守道洪德淵仁寬穆純聖恭儉敬文  
獻皇帝尊靈曰。仰惟



皇考玄德

帝忻。派慶小子。丕緒天位。十有八年。南瞻

嚴寢。罔盡展祀之孝。適以陵園之事重。子躬事來此。

敬申祭告。伏惟

聖靈歆鑒。俯納孝思。謹告。

萬曆三年

孝烈皇后

孝恪皇后神主遷祔

永陵儀

先期

命大臣一員先詣

永陵行祭告禮。一員護送

神主至殿內。侍官先于

永陵殿內。會同神宮監官陳設各合用

神座几案。用寶衣冠等案。是日

弘孝神霄二殿行奉遷禮畢

神主輿由中門出。至午門外。錦衣衛儀衛前導。由

端門承天門長安左門。俱中門出。由德勝門詣

陵。百官青衣角帶。先詣德勝關外候

神主輿至。入班行五拜三叩頭禮。輿過方退。



神主輿至紅門外。內侍官各詣  
二后神主輿前跪請捧

神主出輿。由左門入。復陞輿至

永陵。由中門入。至

享殿門外。內侍官各捧入。

孝烈皇后神主。奉安

世宗肅皇帝神寢之左室

孝恪皇后神主。安于右室。冊寶衣冠俱各奉安于室

訖。遣官行安神禮。禮畢。回京復

命

凡

陵寢禁例。洪武二十六年。令車馬過

陵者。及守陵官民入

陵者。百步外下馬。違者以大不敬論。○正統二年諭

天壽山

祖宗陵寢所在。敢有剪伐樹木者。治以重罪。家屬發

邊遠充軍。仍令錦衣衛官校巡視。工部同欽天

監官環山立界。界外聽民樵采。○成化十五年

令鳳陽

皇陵皇城。并泗州

祖陵所在應禁山場地土。巡山官軍務要用心巡視。不許諸色人等。伐木。取土石。開窯燒造。燒山。及於

皇城內外耕種牧放作踐。有犯者正犯處死家口俱發邊遠充軍。巡山官軍有科歛銀兩饋送不行用心巡視。及守備留守等官貪圖賄賂不嚴加約束。以致下人恣肆作弊不能禁治者一體治罪。○弘治十三年議准西山一帶密邇京師地方。如門外官豪勢要之家。私自開窯賣煤。鑿山賣石。上廠燒灰者。問罪枷號一箇月。發邊衛充軍。干礙內外官員。察奏提問。○嘉靖十二年。令錦衣衛選差百戶一員。督令原差校尉於

純德山嚴加巡視。有偷砍樹木作踐等項。應提問。應察奏者。照例舉行。其差委官校與軍衛有司。俱無統屬。不許濫理詞訟。囑託公事。及賣放犯人生事擾害。故違者。聽撫按官究實。照例施行。○二十七年。令於

天壽山前後龍脉相關處所。大書禁地界石。有違禁偷砍樹木者。照例問擬斬絞等罪。若止是潛行拾柴拔草。比照家屬事例。問發邊東地方充



軍。巡山官軍妄挈平人。擾害居民者。事發一體治罪。

凡遇

陵祭。正統元年

諭。是日與百官俱淺淡服色。○成化九年奏准。

孝陵祭祀。凡南京文武大小官員有不赴者。令御史

糾察

凡分官陪祭。嘉靖中題准。除掌印正官。及宿衛

守衛差。占外。俱要以次長官。如無以次長官許

佐貳官。如無佐貳官者。方許首領官前去。

國朝 禮部 祭禮 壇壝

壽春王

妃劉氏

霍丘王

妃翟氏

下蔡王

安豐王

妃趙氏

蒙城王

妃田氏

寶應王

六安王

來安王

都梁王

莫山王

以上墳在鳳陽府西北二十五里地名白塔設

祠祭署陵戶

南昌王 妃王氏

盱眙王 妃唐氏

臨淮王 妃劉氏

山陽王

招信王

以上墳附葬鳳陽

皇陵有司歲時祭祀皆與享其分封

諸王葬于本封之國者其子孫自主祭祀此不具列

外戚王者墳

楊王墳在鳳陽府盱眙縣津里鎮洪武初設盱眙祠祭署陵戶二百一十戶

徐王墳在鳳陽府宿州新豐里洪武初設宿州祠祭署置陵戶九十三戶

滁陽王墳在直隸滁州洪武初立廟墳所廟首置宿氏置陵戶十九戶 以上皆歲時祭祀



大明會典卷之九十一

大明會典卷之九十一

禮部四十九

羣祀  
歷代帝王

洪武元年

命以太牢祭三皇。二年遣官致祭以勾芒祝融風后  
力牧配六年始建帝王廟于京師以祀三皇五  
帝三王及漢唐宋創業之君每歲春秋致祭後  
以周文王終服事殷唐高祖本太宗力勿設主  
止各祀於其陵廟而增隋文帝七年春塑帝王  
衮冕坐像惟義農不衮冕是秋。

上親臨祭焉廟同堂異室中一室祀三皇東一室五  
帝西一室三王又東一室漢高祖光武隋文帝  
又西一室唐太宗宋太祖元世祖凡五室十七  
帝二十一年始定歷代名臣終始全節者三十  
七人從祀兩廡列為四壇宋趙普以負太祖不  
忠不得預元祀木華黎罷安童祀伯顏罷阿木  
而太公望以從祀罷其故廟及武成王號是年  
帝王廟火改建于雞鳴山之陽罷隨文帝而遷  
唐太宗與漢高光同室凡十六帝又定以每歲  
春附祭歷代帝王於

一陳設

五室十六位今十五位

每室

犢一

羊一

豕一

每位

登一

釧一

籩豆各十

簋簠各二

帛一

白色禮神制帛

共設酒尊三爵四十八

今四十五 篚五千中室東

南西向祝文案一千西

東廡第一壇



風后 臯陶 龍 伯益

傳說 召公奭 召穆公虎

張良 曹參

羊一 豕一 鉶九 籩豆各四

簋簋各一 帛九 白色禮神制帛

酒盃二十七 饌盤一 篚一

第二壇

周勃 馮異 房玄齡 李靖

李晟 潘美 岳飛 木華黎

博尔忽 伯顏 今點本華黎等三人

太昊伏羲氏

炎帝神農氏

黃帝軒轅氏

帝金天氏

帝高陽氏

帝高辛氏

帝陶唐氏

帝有虞氏

夏禹王

商湯王

周武王。

漢高祖皇帝。

漢光武皇帝。

唐太宗皇帝。

宋太祖皇帝。

元世祖皇帝曰昔者奉

天明命相繼為君代

天理物撫育黔黎。彝倫攸叙井井繩繩。至今承之生

民多福。思不忘而報。特祀以春秋。惟

帝兮英靈來歆來格尚享

一樂章

迎神

仰瞻兮

聖容。想鸞輿兮景從。降雲衢兮後先。來俯鑒兮微

衷。荷

聖臨兮蒼生有崇。睠諸帝兮是臨。予頓首兮幸蒙

奠帛

秉微誠兮動

聖躬。來列坐兮殿庭。予今願兮效勤。捧禮帛兮列

酒尊。鑒予情兮欣享。方旋駕兮雲程



初獻

酒行兮爵盈。喜氣兮雍雍。重荷蒙兮再瞻。再崇  
羣臣忻兮躍從。願覩穆穆兮

聖容

亞獻

酒斟兮禮明

諸帝熙和兮悅情。百職奔走兮滿庭。陳遵豆兮數  
重。亞獻兮願成

終獻

獻酒兮至終。早整雲鸞兮將還宮。予心眷戀兮

神聖欲攀留兮無蹤。躡雲衢兮緩行得。遥瞻兮遠

九重

徹饌

納肴羞兮頌陳。丞民樂兮幸生。將何以兮崇報  
維歲時兮載瞻。載迎

送神

旛種繚繞兮導來。蹤鸞輿冉冉兮歸天宮。五雲  
擁兮祥風從。民歌聖祐兮樂豐年

望燎

神機不測兮造化功。珍羞禮帛兮薦火中。望燎庭

方指首願

神鑒考寸衷

嘉靖十一年定親祭儀

先期太常寺預設牲醴香帛樂舞等如儀錦衣衛設隨朝駕設

上拜位于殿中設

御幄于景德門外之左是日早免朝

上服常服御奉天門太常寺卿跪奏請

皇上詣

帝王廟祭歷代帝王

王左右鴻臚寺鳴贊贊行初加冠禮樂作引禮序

班引賓詣盥洗所搢笏盥手訖樂止鳴贊二員

稍南北向立賓陞自東階稍西向樂作內侍揭

蓋袂以盤捧翼善冠陞賓降一等受之樂止賓

右手執冠後左手執冠前詣

王席前稍東面立贊宣祝官祝曰初與洪武年同

祝訖樂作賓跪進冠訖興復位樂止禮部官啓

易服

王入帷幄易新袍服出禮部官啓復坐鳴贊贊行

再加冠禮樂作內侍揭蓋袂以盤捧皮弁陞賓



降二等受之樂止賓以右手執弁後左手執弁  
前如前儀贊宣祝宣祝官祝曰詞與祝訖樂作  
內侍釋翼善冠賓跪進皮弁訖興復位樂止禮  
部官啓易服

王入帷幄易皮弁服烏巾禮部官啓復坐鳴贊贊  
行三加冠禮樂作內侍揭蓋袱以盤捧冕旒  
賓降三等受之樂止進如前儀贊宣祝宣祝官  
祝曰詞與祝訖樂作內侍釋皮弁賓跪進冕旒  
訖興復位樂止禮部官啓易服  
入帷幄易衮服出禮部官啓復坐鳴贊贊行

各神位前徹饌訖樂止典儀唱送神樂作內贊奏  
兩拜興平身傳贊陪樂止典儀唱讀祝官捧祝  
進帛官捧帛掌祭官捧饌各詣燎位樂作內贊  
奏禮畢樂止導引官導  
上入御幄易祭服陞鞶還宮

樂章仍舊

嘉靖中更定遣官祝文

儀仍舊祝文具手月日

遣官各帝攝跪俱同但

曰仰惟

諸帝皆誓

人撫世。創治安民。

皇祖景慕不忘。春秋致祭。著在令甲。茲朕特建殿宇。

恭修恒祀。時維仲春。謹遣輔臣以牲帛庶品。用

享。

列聖予惟冲昧。敬體

皇祖追報之虔。惟

諸帝鑒臨。來格于斯。庶副予誠之至。尚享。

分獻官儀注典儀唱分獻官陪祀官各就位。候

行初獻奠帛禮畢。唱分獻官行禮贊引引詣東

西廡。

神位前贊跪贊搢笏。上香獻帛。爵出笏。殿內贊跪。


分獻官跪。

各神位前。俟讀祝畢。俯伏。興。平身復位。亞終獻禮。

儀同初獻餘隨遣官行。



兩廡陳設  
饌卓



和羹



先聖先師

嘉靖九年。初祀伏羲神農黃帝堯舜禹湯文武周公孔子。凡十一位。於

文華殿之東間。位各有主。主各有龕。伏羲至武王南向。周公西向。孔子東向。歲以仲春秋開講。前一日

上親致祭。每月朔望。具酒果。

上服黃袍行禮。間遣輔臣及大臣代拜。十六年。移祀

于

永明後殿。行禮如初。其後常遣官代行。隆慶初。罷



仍于

文華殿東室行禮

一前期一日太常博士捧祝版于

文華殿。

上填御名訖捧出

一正祭日早太常寺進邊豆祝帛陳設畢候

上至行禮

一陳設

皇師伏羲氏聖位

皇師神農氏聖位

皆更定焉其內用降香亦罷隆慶五年以本朝

薛瑄從祀萬曆十二年以本朝王守仁陳獻章

胡居仁從祀

洪武二十六年釋奠儀

一齋戒與祀帝王同

一傳

制儀見儀制司

一省牲牛一。今二。山羊五。今北羊。豕九。今十四。

一陳設

正壇

饋一 羊一 豕一 登一

釧一 簋豆各十 簠豆各二

帛一 白色禮神制帛

共設酒尊三爵三篚一于壇東南西向祝文  
案一于壇西

四配位

每位

羊一 豕一 登一今去 釧二

籩豆各十八今簠簋各一今二 爵三

帛一 篚一

十哲位

東五壇

豕一分五 帛一 篚一 爵三

每位

釧一 籩豆各四 簠簋各二

酒盞一

西五壇

陳設同

東廡壘十三位共十三壇今四十七位分十六

共豕一今三 帛一 篚一 爵一



每壇

籩豆各四 簠簋各一 酒盞四

西廡五十二位共十三壇今四十八位分十六

陳設同

一正祭典儀唱樂舞生就位執事官各司其事

分獻官陪祀官各就位贊引引獻官至盥洗所

贊詣盥洗位搢笏出笏引至拜位贊就位典儀

唱迎神奏樂樂止贊四拜通贊陪祀官同典儀唱行初

獻禮奏樂執事官捧帛爵詣

各神位前贊引導遣官贊詣

大成至聖文宣王今稱至聖先師孔子神位前贊搢笏贊

獻帛執事以帛進奠訖執事以爵進贊引贊獻

爵出笏贊詣讀祝位樂暫止跪傳贊眾官皆跪贊讀祝

讀祝官取祝跪於獻官左讀訖贊俯伏興平身

贊詣

兗國復聖公今稱復聖顏子神位前搢笏獻爵出笏詣

邾國宗聖公今稱宗聖曾子神位前

沂國述聖公今稱述聖子思子神位前

鄒國亞聖公今稱亞聖孟子神位前儀並贊復位樂止典

儀唱行亞獻禮奏樂執事以爵獻于

神位前樂止。典儀唱行終獻禮。奏樂儀同樂止。典

儀唱飲福受胙。贊詣飲福位。跪搢笏。執事以爵

進贊飲福酒。執事以胙進。贊受胙。出笏。俯伏。興

平身。復位。贊兩拜。傳贊陪祀官同典儀唱徹饌。奏樂。執

事各詣

神位前徹饌。樂止。典儀唱送神。奏樂。贊引贊四拜。

傳贊陪祀官同典儀唱讀祝。祝官捧祝。掌祭官捧帛饌。各

詣瘞位。典儀唱望瘞。奏樂。贊引贊詣望瘞位。樂

止。贊禮畢。

一祝文

維洪武 年歲次 月 朔 日

皇帝遣具官某致祭于

大成至聖文宣王。先師及四配。改定。惟今稱。并如前註。

王。惟師德配

天地。道冠古今。刪述六經。垂憲萬世。謹以牲帛醴齊。

粢盛庶品。祗奉舊章。式陳明薦。以

兗國復聖公

邾國宗聖公

沂國述聖公

鄒國亞聖公配尚享



一分獻官儀注分獻以翰林院修撰等官二員國子監博士等官二員典

儀唱分獻官陪祭官各就位各至拜位候讀祝

訖唱分獻官行禮贊引贊詣盥洗所贊搯笏贊

出笏贊陞壇贊詣

神位前贊搯笏執事以帛進于分獻官奠訖執事

以爵進于分獻官獻訖贊出笏贊復位亞獻終獻同

至典儀唱望瘞各詣瘞位

一樂章

迎神

大哉

宣聖孔曰道德尊崇維持王化斯民是宗典祀有

常精純益隆神其來格於昭聖容

奠帛

自生民來誰底其盛維王紘曰神明度越前聖

粢帛具成禮容斯稱黍稷非馨惟神之聽

初獻

大哉聖王聖曰實天生德作樂以崇時祀無斁

清醑惟馨嘉牲孔碩薦修神明庶幾昭格

亞獻終獻

百王宗師生民物軌瞻之洋洋神其寧止酌彼

金罍惟清且旨。登獻于三。於嘒成禮。

徹饌

犧象在前。豆籩在列。以享以薦。既芬既潔。禮成樂備。人和神悅。祭則受福。率遵無越。

送神

有嚴學宮。四方來宗。恪恭祀事。威儀雍雍。款格惟馨。神馭還復。明禋斯畢。咸膺百福。

今定配哲。從祀牌位。

四配

復聖顏子舊封兗國復聖公

宗聖曾子舊封鄒國宗聖公

述聖子思子舊封沂國述聖公

復聖孟子舊封鄒國亞聖公

十哲

先賢閔子名損舊封費先賢冉子名雍舊封薛

先賢端木子名賜舊封魯先賢仲子名由舊封衛

先賢卜子名商舊封魏先賢冉子名耕舊封鄆

先賢宰子名子舊封齊先賢冉子名求舊封徐

先賢言子名偃舊封吳先賢顓孫子名陳師舊封

東廡



先賢澹臺滅明舊封金鄉侯先賢原憲舊封任城侯

先賢南宮适舊封汝陽侯先賢商瞿舊封須昌侯

先賢漆雕開舊封平輿侯先賢司馬耕舊封睢陽侯

先賢有若舊封平陰侯先賢巫馬施舊封東阿侯

先賢顏辛舊封陽穀侯先賢曹邨舊封上蔡侯

先賢公孫龍舊封枝江侯先賢秦商舊封馬湖侯

先賢顏高舊封雷澤侯先賢壤泗赤舊封上邳侯

先賢石作蜀舊封成紀侯先賢公夏首舊封鉅平侯

先賢后處舊封膠東侯先賢奚容蒧舊封濟陽侯

先賢顏祖舊封富陽侯先賢句井彊舊封滏陽侯

先賢秦祖舊封裡城侯先賢縣成舊封武城侯

先賢公祖句茲舊封即墨侯先賢燕伋舊封汧汭侯

先賢樂歆舊封建成侯先賢狄黑舊封林慮侯

先賢孔忠舊封鄆城侯先賢公西蒧舊封徐城侯

先賢顏之僕舊封宛句侯先賢施之常舊封臨濮侯

先賢秦非舊封華亭侯先賢申棖舊封文登侯

先賢顏澮舊封濟陰侯先儒穀梁赤舊封睢陽侯

先儒高堂生舊封萊蕪伯先儒毛萇舊封樂壽伯

先儒后蒼舊封樂壽伯先儒杜子春舊封緱氏伯

先儒韓愈舊封昌黎伯先儒程顥舊封豫國公



先儒邵雍 舊封新安伯 先儒司馬光 舊封溫國公

先儒胡安國 舊封建寧伯 先儒楊時 舊封將樂伯

先儒張栻 舊封華陽伯 先儒陸九淵

先儒許衡 舊封魏國公

舊有堂邑侯 顏何 蔣陵伯 荀况 彭城伯 劉向 司空王 肅司 徒杜 頊 今 中牟伯 鄭良 鄉伯 盧 值 榮 陽伯 服 慶 今 改 祀 於 鄉 華 蕪 侯 曾 點 泗 水 侯 孔 鯉 改 入 啓 聖 祠 從 祀

西廡

先賢宓不齊 舊封單父侯 先賢公冶長 舊封高甯侯

先賢公皙哀 舊封北海侯 先賢高柴 舊封莒城侯

先賢樊須 舊封益都侯 先賢公西赤 舊封魯侯

先賢梁鱣 舊封千乘侯 先賢冉孺 舊封臨沂侯

先賢伯虔 舊封沐陽侯 先賢冉季 舊封諸城侯

先賢漆雕徒父 舊封高宛侯 先賢漆雕哆 舊封濮陽侯

先賢商澤 舊封鄒平侯 先賢任不齊 舊封當陽侯

先賢公良孺 舊封牟平侯 先賢公肩定 舊封梁父侯

先賢鄒單 舊封聊城侯 先賢罕父思 舊封祈鄉侯

先賢榮旂 舊封厭次侯 先賢左人郢 舊封南華侯

先賢鄭國 舊封胸山侯 先賢原亢 舊封樂平侯

先賢蘆潔 舊封胙城侯 先賢叔仲會 舊封博平侯

先賢公西輿 舊封臨朐侯 先賢邾巽 舊封高堂侯



先賢陳亢舊封南頓侯先賢琴張舊封陽平

先賢步叔乘舊封博昌侯先儒左丘明舊封中都伯

先儒公羊高舊封臨淄伯先儒伏勝舊封乘氏伯

先儒孔安國舊封曲阜伯先儒董仲舒舊封廣川伯

先儒王通先儒周敦頤舊封道國公

先儒歐陽修先儒張載舊封郿伯

先儒程頤舊封洛國公先儒胡瑗

先儒朱熹舊封徽國公先儒呂祖謙舊封開封伯

先儒蔡沈舊封崇安伯先儒真德秀舊封浦城伯

先儒薛瑄先儒王守仁

先儒陳獻章先儒胡居仁

舊有壽張侯公伯察新息侯秦冉考城伯  
戴聖岐陽伯賈逵扶風伯高趾任城伯何  
休偃師伯王弼令黜內黃侯選伯王長山  
侯林放高密侯鄭玄新野伯范甯臨川郡  
公吳澄今改祀於鄉曲阜伊顏無繇政入  
啓聖祠從祀。第川侯中黨即申張今華存  
根

凡祭期洪武元年定以仲春秋上丁日降香遣

官祭孔子于國學○七年仲春上丁日食改用

次丁○成化二十二年二月朔當釋菜值上丁

令以次日釋菜

凡祭器禮物樂舞洪武四年更定各置高案道

豆簠簋登鉶悉用瓷器。牲用熟樂舞生擇監生及文武大臣子弟在學者預教習之。今用太常樂舞生  
○正統三年令祭丁品物非其土產者鹿以羊代榛棗以所產果品代。○景泰六年奏准以兩廡祭品儉薄增豕四隻棗栗各五十斤黍稷各一斗形鹽五十斤南京國子監一體增設。○成化十二年增樂舞為八佾籩豆各十二。○嘉靖九年令南京國子監祭用十籩十豆天下府州縣學八籩八豆樂舞各止六佾  
凡六品以下官不陪祭者先一日赴廟瞻拜

月朔釋菜儀

其日清晨執事者各司其事分獻官各官分列于大成門內監生排班俟獻官至通贊唱排班獻官以下各就位通贊唱班齊鞠躬拜興拜興平身引贊詣獻官前唱詣盥洗所獻官盥手悅手訖引贊唱詣酒尊所司尊者舉畢酌酒訖引贊唱詣

至聖先師孔子神位前跪獻爵俯伏興平身執事者行

事並引贊唱詣

復聖顏子神位前



宗聖曾二神位前

述聖子思子神位前

亞聖孟子神位前儀並十哲兩廡分獻官一同行


禮畢引贊同唱復位引贊導獻官分獻官至原

拜位立通贊唱鞠躬拜興拜興平身禮畢

*[Faint bleed-through text from the reverse side of the page]*


壇

饌卓



古禮


四配



合與卷九十一




四神耳





十哲陳設




卓尊司



會典卷九十一



兩廡陳設



每廡四

會典卷九十一

三十一

啓聖祠祭儀

嘉靖九年令兩京國子監并天下學校各建啓聖公祠中祀叔梁紇題稱啓聖公孔氏之位以顏無繇曾點孔鯉孟孫氏配俱稱先賢某氏之位程珦朱松蔡元定從祀俱稱先儒某氏之位每歲仲春秋上下日遣國子監祭酒行禮南監司業行禮

一陳設

正位

羊一

豕一

籩豆各八



簋各二 鉶二 爵三 帛一  
篚一

東配

豕一 爵三 帛一 篚一

每位

簠各一 籩豆各四

西配同

東西從祀同

一正祭。是日三更贊引導遣官至盥洗所。搢笏出笏。典儀唱執事。官各司其事。遣官就位迎神。

四拜兩廡分獻官同典儀唱奠帛。行初獻禮。遣官由

廟左門入贊詣

啓聖公孔氏神位前。搢笏獻爵。出笏。誥讀祝位。跪

讀。訖俯伏。興平身。兩廡分獻官同贊詣

先賢顏氏神位前。獻帛。獻爵。誥

先賢曾氏。

先賢孔氏。

先賢孟孫氏各神位前。儀並同前兩廡分獻官同獻帛。爵。訖復

位。典儀唱行亞獻禮。終獻禮。儀同初獻典儀唱徹饌

訖。唱送神。四拜。兩廡分獻官同典儀唱讀祝。官捧祝。掌

祭官捧帛饌各詣瘞位。唱望瘞。捧祝帛饌官至瘞所。贊引贊詣望瘞位。贊禮畢。

一祝文

維年 月 日

皇帝遣具官某致祭于

啓聖公孔氏曰。惟

公誕生至聖為萬世王者之師。功德顯著。茲因仲

春持用遣祭以

先賢顏氏。

曾氏。

孔氏。

孟孫氏配尚享。



大明會典卷之九十一

三十五

